

6. úd enam ut-tarām nayé 'ti sam-ídha á dadhâti,
yáthâ jánam yatè 'vasám karóti tâdríg¹ evá tát; tistrá á
dadhâti, tri-vríd vâ agnír, yâvân evá 'gnís tásmâi bhâga-
-dhéyam karoty; aúdumbarîr¹ bhavanty, ũrg vâ udumbára¹,
ũrjam evá 'smâ ápi dadhâty. úd u tvâ víçve devá
ity âha, prâ-'nâ vai víçve devâḥ, prâ-'nâḥ || 1 || evai 'nam
úd yachaté; 'gne bharantu citti-bhir ity âha, yásmâ
evai 'nam cittâyo 'd-yáchate ténai 'vai 'nao sám ardhay-
ati; páñca díço daívîr yajnam avantu devîr ity
âha, díço hý eshó 'nu pra-cyávaté; 'pâ 'matim dur-
-matim bádhamânâ ity âha rákshasâm ápa-hatyai;
ráyás póshe² yajnâ-patim â-bhájantîr ity âha, pa-
çavo vai ráyás póshah² || 2 || paçûn evá 'va runddhe³.
shad-bhír harati, shád vâ ritáva, ritú-bhir evai 'nao har-
ati; dvé⁴ parigríhya-vatî⁵ bhavato rákshasâm ápa-hatyai;
sūrya-raçmir hári-keçah purástâd¹ ity âha, prá-
-sūtyai; tátaḥ pâvakâ â-çisho no jushantâm ity âhá,
'nnam vai pâvakó, 'nnam evá 'va runddhe³. devâ-'surâḥ
sám-yattâ âsan, té devá etád áprati-ratham apaçyan,
ténai 'vá té 'pratí || 3 || ásurân ajayan, tád áprati-rathasyâ
'pratiratha-tvám; yád áprati-ratham dvitíyo hótâ 'nv-âhâ
'pratý evá téna yájamâno bhrâtrivyân jayaty⁶, átho
ánabhi-jitam evá 'bhí jayati; daça-'rcám bhavati⁷, dáçâ-
-'ksharâ vi-râḍ, vi-râje 'maú lokaú ví-dhritâv, anáyor lokâ-

6. samidâdhânam agnipraṇayanam tathâ | hotâ 'nvâhâ 'pratiratham da-
çarcam savikalpakam. ¹ ohne avagraha. ² so (°s p°) AW, s.P. 8, 29.

³ °mdh° ACDW. ⁴ s. P. 4, 49. ⁵ s. P. 4, 52; parigríhyâ 'yajata,
parigríhya devâ yajnam âyann, evam parigrahaçabdo yayor řicos te pari-
gríhyavatya, parigrahaḥ prithak svíkârah, tena yajnam vinâçayitum asamar-
thâni rakshâñsi svayam evâ 'pahanyante. ⁶ °nj° AW. ⁷ sic! es sind
aber 15 Verse in IV, 6, 4 vorliegend; der schol. dazu löst diese Differenz wie
folgt: asminn anuvâke samâmnâtânâm uddharshayety âdînâm pañcânâm
vikalpârthatvât sūktagatâ řico daçai 'va sampadyante (!). Vgl. Ind. Streifen
1, 19 note 9.